



PUBLICUM

CAROLI SANGRII

E T

JOSEPHI CAPYCII

Nobilium Neapolitanorum

F U N U S

A CAROLO AUSTRIO

III. Hispan. Indiar. & Neap. Rege

I N D I C T U M

E T

Ab Illustrissimo, Excellentissimoque Viro

WIRICO COM. DE DAUN

JOSEPHI CAES. Militum Tribuno, ejusq. copiis

in Regno Neap. cum summo imperio Praefecto,

& Regni Moderatore Pro-Rege

C U R A T U M



NEAP. Typis Felicis Mosca, Anno c1788.

Permissu Publico.

PUBLICUM

CAROLINAE

1787

EDWARD TAYLOR

Author of the

R. U. S.

A CAROLO-AMERICANO

AMERICANUS

IN DITTO

1787

in America

WISCO COMITATUS

AMERICANUS

AMERICANUS

AMERICANUS

AMERICANUS



AMERICANUS

CAROLO AVSTRIO
III. HISPAN. INDIAR. ET NEAP. REGI
PIO
QVOD VELIT
FELICI
QVOD POSSIT
AMPLISSIMA PARARE REGNA
VT DEFVNCTIS DE RE AVSTRIACA BENE MERITIS
IVSTA FACIAT
WIRICVS COMES DAVN.
IOSEPHI CAES. MILITVM TRIBVNVS
EIVSQ. COPIIS IN REGNO NEAP.
CVM SVMMO IMPERIO PRAEFECTVS
EIVSDEMQ. REGNI VICARIVS MODERATOR
QVOD
IOSEPHI CAPYCHII ET CAROLI SANGRII
PVBLICVM FVNVS
EXCOGITATIS HONORIBVS A SE CVRANDVM MANDAVIT
HOC DESCRIPTVM LIBRO
VENERABVNDVS MITTIT
PRAECLARAS AVTEM
PIETATIS MVNIFICENTIAE FIDEI MAGNIQ. ANIMI
INDE EI PARTAS LAVDES
SI QVIS ORATIONE COMPLECTI POSSET
HEIC CONCLVSAS
MITTERET QVOQVE

THE UNIVERSITY OF CHICAGO
DEPARTMENT OF CHEMISTRY

1951

RESEARCH REPORT

NO. 117

BY

ROBERT M. WATSON

AND

WILLIAM R. HAYES

AND

ROBERT M. WATSON

AND

WILLIAM R. HAYES

AND

ET AL.

RESEARCH REPORT NO. 117

1951

UNIVERSITY OF CHICAGO PRESS

CHICAGO, ILLINOIS

1951

1951

UNIVERSITY OF CHICAGO PRESS

CHICAGO, ILLINOIS

1951

1951

1951



ACTA FUNERIS.

Sub initia belli de Hispaniensis Imperii successione, aliquot Neapolitani, nobili genere orti, Austrii Principis studio, & Austriaco jure ducti XI Kal. Octobris anno MDCCCI in principe Regni urbe Neapoli CAROLUM AUSTRIUM Neapolitanorum Regem appellarunt. Sed quia incoeptum, destituyente consilium Fortuna, inter ipsa tentamina disturbatum; plerique Regno ad Leopoldum Caes. excesserunt: a quo sancte in fidem recepti, & pro cujusque virtute, ac merito liberaliter habiti sunt. Carolus autem Sangrius, & Josephus Capycius, hic e Ro-
a fra-

franensium, ille e Sanctolucidensium Marchionibus, primus morbo impeditus, alter fugam perosus, oppressisque, pro CAROLO Rege mortem, uti viros fortes decet, imperterriti oppetiere. Sed sexto post belli anno, cum Neapolitana expeditio praeclarissimo, fortissimoque viro, Wirico, Comiti de Daun a JOSEPHO CAES. decreta esset; CAROLO Regi, ea deliberatione renunciata, prima curarum fuit; Regno parto, primum omnium Carolo Sangrio, & Josepho Capycio publico funere parentari. Itaque Daunius per summam nominis auctoritatem, quam praeclarissima rerum gestarum fama sibi comparavit, inoffenso agmine universam Italiam emensus, vix Regnum, Regnique caput Neapolim ingressus est, quum a Rege literas ea de re ipsi, tanquam agmen adhuc facienti scriptas in hanc sententiam accepit.

Cum eorum, qui per gloriam pro meo regno occubuerunt, cum omnium, tum Caroli Sangrii, & Josephi Capycii maxime, & quam bene sint de me fide, & amore meriti memor agam; Cumque mihi ipsorum capita Andecavensium Ducis jussu in urbe Neapoli ostentui exposita esse dicantur; jam tempus datur (spero enim ex sua virtute Deum Opt. Max. meae jus causae in ejus expeditione Regni adjuvaturum) ut iis sepulchrum pro virorum, ac rerum gestarum dignitate honorificum extruatur. Ac pro imperio item jubeo, iisdem illico funus, quantum pote est, magnificenter instructum cures: ad quod omnes Magistratus tecum
fre-

frequentes majoris honoris caussa conveniant. Praeterea sepulchris epitaphia, quae & talium, ac tam fortium virorum fidem, & meum erga eos gratum animum moneant, proponantur; ut omnes sciant, & posteris innotescat, quod summa eorum erga me studia uti Dux Andecavensis, quo alios deterreret, mortis exemplis in ipsos editis coërcere conatus est; perinde ego honore affici diligam; ut exemplo sint, in quo meorum fides subjectorum ad imitandum ceteris proponatur. Illud autem moneo, quod, si forte nondum Neapolim ingressus haec acceperis iussa, primum omnium id funus, quibus indixi honoribus, exequaris; meque de eo facto, nam scire cupio, facias certiolem. Barcino-
ne IV. Idus Julias Anno MDLXXXII.


Itaque Daunius extemplo Regia mandata, ac sedulo facere instituit: & in Divi Dominici sacra aede, quae & Regii juris est, & utriusque viri familiaria sepulchra habet, edi placuit funus. Tum Capycii ossa, quae in Divae Mariae Coronatae, in Apenninis Campaniae montibus, ubi occubuerat, sita erant, effossa sunt; & clam in principem urbis arcem, Castrum novum dictam, translata; & cum capite, quod ibi erat, composita. Nam Sangrii in ejusdem arcis sacra aede integrum jacebat corpus humatum. Ad haec aerarii Quaestorem jubet, qui de aere publico opera faciunda locet: mandatque Benedicto Laudato Congr. Casin. in Regio Monasterio DD. Severini, & Sossii Priori, viro divinarum rerum adprime docto, ut oratione la-

*tina defunctos pro concione laudaret ; & Jobanni Baptistae a Vico , Regio eloquentiae Professori , ut cetera funerum solita exequeretur : quae omnia , quo curatiora , & magnificentiora succederent , Regis de funere placitum utili interpretamento diutius tractum est . Tandem ix. Kal. Martii mensis proximi indictum ; sed pridie ejus diei ita instauratum . Pullo sacra arcis aedes paratu : & in media aede statutum feretrum , culcita ex auro textili stratum ; ad cujus angulos gentilicia utriusque stemmata acu picta . Super feretro duo capula eodem vestis genere circumtecta : ad quorum inauratas seras certa cujusque stemmata pbrigiata ; ibique intus plumbatae arculae , ubi cujusque ossa secretim condita . Super quoque capulo scipio militaris , ensis , corona ; nobilitatis , & militaris honoris insignia . Juxta feretrum homines , Praeficarum instar , lugubri veste graves gentilicias defunctorum imagines hastis praefixas sustinebant . Igitur , tanquam super corporibus recens exanimatis , ad meridiem usque sacra piacularia facta , & suprema officia soluta . Meridie exacto in arcis ; qua efferendum funus erat , cunei militares dispositi : & squalentibus signis , versisque armis , & moesto sonore Militia defunctos lugebat viros . Vergente ad occasum die ita funus elatum . Principio peditum cohors eodem tristi cultu praeibat . Tum biscentum e Dominicana Familia Coenobitae , & Jobannitae Canonici cum accensis funalibus bini procedere . Dein generosi equi duo
lon-*


longa luctuosae vestis trabebant sormata, pedes sanguine in ostentationem foedati, quasi iis de industria corruptis, quando non amplius dominis, usui essent praeterea nemini. Porro, quos Praeficias diximus imitari, gentilicias imagines praeferebant. Funus autem comitabantur viri nobiles, qui culcitae sustinebant oras; & Amplissimus Ordo, ac majores Magistratus cum urbani, tum militares sequebantur. Tandem altera peditum cohors claudat pompam: quam ita instructi ex arce per Franciscanam in Toletanam ingressi, inde in Matalunensium Ducis viam digredientes in Divi Domini aedem perduxerunt. Postero die iustitium indictum: & cives frequentissimi in funeris aedem confluere; quibus in hunc modum ornata patuit. In templi fronte pictura inerat, quae templi vestibulum ex marmore affabre incrustatum referebat: atque frons ipsa nigris ornata vittis auro textili fimbriatis ad moestitiam decora: hinc, atque hinc inter antas tanquam marmorea utriusque viri signa vittis adpena videbantur. In vestibulo tabula inscripta, quorum funus virorum, cur in eo potissimum templo, quo merito, & a quo indictum, monebat cives. Interiora templi, quae tectorio opere inducta sunt, nigris item distincta vittis: & vittae in speciem auro praetextae, vel super testacea lorica argute excurrerant; vel in basilicae corona arte contraherantur in nodos, ut hinc, atque hinc per arcuum vana quodammodo pendentibus faceret sinus. Super valvis defunctorum icones virorum graphice expref-

expressae: in quas contuentes cives, dum eorum memorant vitae adversa, & funeris publici praeclarum spectant honorem, Summi Numinis providentiam admirantur. Ad summos autem arcuum angulos tabulae pictae adpensae, & ad imas tabulas ceu evoluti codicilli applicati. Tabulae autem picturas, codicilli carmina emblematum exhibebant. Hinc ad pilarum capita, super quas ipsi pendent arcus, antiquorum exemplo, qui dicta vitae agendae utilia inscribebant in templis, ejusmodi dicta e re nata in minoribus tabellis proposita legebantur: ac tum dicta, tum emblemata vel nobile virorum genus, virtutes; fortunam, facta; vel Regis in eos pietatem, & munificentiam; vel eximium publici funeris honorem significabant. At in media aede temporarius tamquam ex porphyrite tumulus quadrangula facie extructus erat; qui pro basilicae modo latera fronte habebat oblongiora: isque per gradus fastigiatus corona templi tenus exsurgebat. In tumuli basi, quae valvas spectabat, Sangrii; ab altari vero Capycii epitaphium legebatur. Circa imum tumulum complura, & ingentia ex argento candelabra, & alia per tumuli gradus spissim statuta: & e summae basis angulis alia quasi multorum luminum fercula ad summum usque tumulum consurgebant; itaut cunctis accensis, & per summam concinnitatem, copiamque dispositis non tumulus collucere, sed pyra instructis, ut ita dicam, facibus conflagrare videretur. Sub summo tumulo culcita, quam diximus, con-
teclo

tecto illata ossa : ac super eo ex auro textili pulvinaria ; ac insuper scipiones militares , enses , coronae . Altare autem , araeque spissis luminibus inlustres , & sacro instrumento praedivites : atque in iis universum mane inferiae celebratae . Tandem solenne sacrum in altari ad symphoniam factum : cui Daunius ProRege , & primaria , ac lectissima Foemina , Barbara , Comes Daunia , ProRegina , Decuriones Civitatis , Summus Senatus , ceterique Magistratus , ac militares Tribuni , ac plurima Nobilitas adfuere . Solennibus operatis , Benedictus Laudatus defunctos pro suggestu gravibus rerum argumentis , & Patrum stylo laudavit . Perorata denique oratione , Daunio , ejusque uxori , ac omnibus , qui ad funus honore digni convenerant , in Templi excessu libros , in quibus haec omnia typis mandata sunt , viri ad id adsignati diribuere : uti & ad Regem , Reginanque , ad Caesarem , & Augustas missi . Et illud decretum , uti , peracto funere , in media culcita Regia insignia phrygio item opere extarent : eaque sacrae funeris aedi , rei aeternae monumento relinqueretur : & capula , uti solet , in Regio Coenobii conditorio asservari : & in Capyciorum Sacello , & Sangriorum Ara ex marmore sepulchra extrui , ubi cujusque conderentur ossa , & in marmoreis tabb. epitaphia inscriberentur : quae , quando iis honores a Rege ex aequo jussi , & una inscriptionum praescripta formula , ad unum ferme exemplum concepta sunt .








Handwritten text in a circular frame on the left side of the image.

Handwritten text in a circular frame on the right side of the image.

P S M I
A N G
U S A





ORATIO.

DIVINA terrarum orbis Princeps Voluntas, quæ altissimis consiliis, stabilique nutu, cœlo, terrisque involuta moderatur, quæque, ut cum Prospero loquar, rerum metas secum habet, & numeros, cuique acta, & agenda simul assistunt, nunquam nobis admirationem sui, venerationemve ingereret, nisi quandoquæ per vias incomprehensibiles, theatrum nobis aperiret, in quo vel diù cupita possidemus, vel multis, quæ nobis grata obveniunt, lætamur impensius. Cupiditas enim nostra, quæ nec expletur, nec satiatur unquam, futuri haud patiens, dum dies, vel hora, rerum, quas expectat, proteolat usuram, mox vel desiderata desperat, vel ad alia declinans ventura contemnit; mirabilis verò Deus, ut sapientiæ, scientiæque suæ altitudine mortalium genus, omnia sese æterno consilio regere, & à fine usque ad finem disponere, edoceat, causas causis innectens, per varios eventuum, veluti tortuosos anfractus, perque varios currentium, & recurrentium

A tium

tium mutationum flexus , id fanè præstat , ut dies , vel hora nobis improvisè concedat , quod tunc expectare , nec putabamus . Si tantæ quidè m veritatis non ratiocinationes nobis , non auctoritates , non exempla suppeterent , quis negare audebit , ex hoc solùm , quod hodie in hac Sacra Basilica conspiciamus , firmissimum cunctis emerfurum Divinæ Providentiæ argumentum , cujus , & si pretium foret , tenaciùs evaderemus Assertores . Exequiarum Justa , quibus tristi vultu , Humanissimi Proceres , assidetis , quæve ego , præteritarum recordatione rerum interturbatus , lamento , si nescitis , sic voluit excitata Inviçtissimus CAROLUS TERTIUS , Hispaniarum , & Neapolis Rex Augustissimus . In hoc itaque ferali spectaculo , funebrique pompa , gloriosis cineribus Caroli de Sangrio , è Sanctolucidentium , & Josephi Capycii , è Rosfrantium Marchionibus , Christiano ritu parentamus ; his Duobus , quà fortitudine , quà fidelitate Heroibus , quos humus tumultuario quondàm , ac tacito excepit funere , post exactum lustrum , annumque alterius penè secundum , parentales honores sollempniùs excitamus . O nunquam fatis , inter clarissimos Reges , eximia Austriacæ domus Pietas commendanda ! quæ certè , instituti immemorem , aliò raperet Orantem , ni merita laude fortissimos Viros , inter majores bellorum curas cumulandos esse , vel unus Carolus imperasset . Minimè vos latere arbitror A. A. in Regia Barchinonensi Aula , dum de nupera expeditione agebatur Neapolitana , unum omnium judicium , unumque inter Majores Aulicos fuisse consensum , de militari scilicet apparatu ,

tu, hostibus profligandis, urbe capeffenda, castris muniendis, legibus dandis, vectigalibus deniquè pensitandis; id inter eos sapientes Viros, ut proprium exposcebat munus, negotii erat, & rerum agendarum summa. Clementissima verò Regis nostri CAROLI Indoles, avitæ pietatis vestigia proterens, qui crederet, inter majores redintegrandi sui Imperii sollicitudines, non minorem animo volvebat curam; ut primùm nempe exoptatissimum fidelissima Neapolis suum exciperet Regem, prior sui Administri occupatio foret, Josephi Capycii, & Caroli de Sangrio cineribus amplissimum funus, sacras inferias, dignumque sepulchrum Viris illustribus instaurare. Hanc, quam diu erga tantos cives, bonam conceperat gratiam, opportuno, quod Deus elargitus est tempore, singulari manifestavit imperio, cui nos, magna Neapolitani nominis laude, hisce exequiarum muneribus hodie obtemperamus. Dum igitur vos tantum Regiæ Pietatis, Clementiæ, ac Religionis, ut æquum est, commendatis officium, Ego ejusdem propositi conabor vobis altius proferre mysterium.

Nullum puto AA. tanta mentis hebetudine laborare, tantumque judicio jacere, ut rem, in qua versamur, cortice tenus explorans, nihil in ea deprehendat, nihil contempletur, præter hanc amplissimam pompam, quam, oculis subjectam, conspicimus; nam sicuti hujusce divini consilii altius repetendum est principium, ita & in Rege nostro ejusdem rei causas, finesque ulterius vestigare debemus; proptereà, ut disertè monet Augustinus,

sicuti proprium Divinitatis est, unico suæ Infitæ
 mentis consulto omnia prospicere, omnia provide-
 re, ita quandoque unico verbo, unico externo ope-
 re, etsi non omnia propter nostræ mentis imbecil-
 litatem, attamen plura explicare, plura facienda
 imperare, plura addiscenda monere, compertum
 est Exquirenti; Haud enim religiosè teneremus, si
 divinæ mentis, quæ nobis proponuntur oracula,
 post unicum conceptum putarem effœta. Ex ho-
 minibus igitur, qui divinæ mentis propiùs putandi
 sunt participes, profectò sunt ii, qui speciali Divi-
 næ providentiæ consilio ad eam devenerunt dignita-
 tem, ut absoluto imperio ad homines regendos sint
 destinati; par enim est, ut Reges, quibus Deus in
 terris sui summi imperii concessit vices, Ipsi quo-
 què in moderando, quoad fieri potest, assimilen-
 tur; characterem igitur quodammodò Divinitatis
 in fronte Regis Deus obsignat, quo homines ad
 amorem, timorem, & obedientiam, humana velu-
 ti Religione, trahantur. Revocate quæso animum
 ad Regis nostri avitam Pietatem, Moderationem;
 Justitiam, Æquanimitatem, & comperietis, ipsum
 supra quoscunque alios Divinam præferre simili-
 tudinem, ex qua tanta sui nominis pace, bel-
 lo, legibus, victoriis increbuit fama, ut provin-
 ciæ, & Regna, ultrò se ei subdicere, felicitati ascri-
 bant; si ita res est, ut nosmet ex nupera nostra
 acclamatione fateri debemus, quis inficias ibit,
 ipsum esse supremi Principis veram ideam, Divini-
 que Imperii lucidissimum exemplar. Si hoc fortas-
 se à vero deflectere, quis opinabitur, & oppidò,
 quàm

quàm par sit , me ostentum proferre putet ; prætere-
 reat mecum innumera . Hodiernum solùm fune-
 brium longum ordinem pomparum fatis superque
 demonstrare , Divinitatis eum Imaginem præferre
 expressiorem , fateatur oportet ; Hic unus dies
 emortualium cæremoniarum annosæ quoquè ætatis
 absorbet gesta , etsi præclarissima ; neque hoc nos
 exploratum habebimus , nisi in hac funebri pom-
 pa , procul à vulgari sententia , exquisitum Regis
 nostri aperiamus molimen . Putant vulgares homi-
 nes fortasse , hodierna luce aliud non fieri , nisi ut
 gloria , quam incomparabiles viri Joseph Capycius,
 & Carolus de Sangrio sibi compararunt , in nobis
 refricetur , quippe qui veræ virtutis emensi stadium,
 ad suprèmas laudes feliciter pervenerunt , ut horum
 glorioso exemplo Posteritatem non pigeat , eorum
 amplecti imitamenta : hoc quidè detrectandum
 non est . At verò qui hujus novitatis penetralia su-
 bibit , & bonæ voluntatis affectu , ut par est , judi-
 cium proferre voluerit , procul dubio completum
 deprehendet , illud Divini Spiritus , apud Petrum , Ora-
 culum : Subjecti estote Regi , tanquàm præcellen-
 ti , Ducibus , tanquàm ab eo missis ad LAUDEM BO-
 NORUM : quod Sacri Codicis monumentum undiquè
 quadrare videtur Regiæ menti , quæ in hac regali
 funebri sollemnitate extremum duorum Civium
 diem , summis cumulandum præconiis , exquirat , qui
 animi fortitudine , suorumque gestorum memoria
 patriam cohonestarunt . O nos Beati , felicissima
 terrarum orbis Civitas , si tanti Regis vestigiis inhæ-
 rens , egregios sibi cives , illustria facinora , æquis
 hono-

honoribus exornanda constituit. Quam quæso Divinitatis Imaginem mortale hoc nostrum proferre potest expressiorem præ ea, quam Regis nostri Animus, gesta, atque conatus, nobis in suæ moderationis vestibulo conspicuam; tam vividè adumbrarunt, dum tot Populorum regimina; hisce fundamentis, apprimè jactis, firmanda esse, censuerit. Atque id quidem ex hoc uno Dignitas vestra, Sapientissimi Proceres, agnoscat, quod, etsi cui subtiliùs disputari videbitur, apertiùs rem concludere fateatur; necesse est. Id enim omne, cui Deus totus est, sive ut æternæ fœcunditatis Principium, sive ut ejus, quod tempori aptavit, Causa, ineffabilis laus est Bonitatis: iccirco Regius Psaltes neminem invenit, nedum qui loquatur Potentias Domini, nempe quæ facere potest Deus, sed neque qui auditas faciat omnes ejus laudes, omnia videlicet opera; quæ meritò laudes nuncupare videtur; opus enim, quod est undiquè bonum, laus est Bonitatis; Deum igitur, quàm simillimè exprimimus, cum id, quod agimus, laus est Boni. Nil ergo nobis optabilius evenire potuit ad virtutis incitationem, qua sola Duce homines veræ laudis apicem attingunt, nisi quòd in Principe tantus semper crescat Bonitatis ardor, ut ejus cursus nulla cura, vel publica, vel privata præpediri possit, quin omnia ad BONORUM LAUDEM exquisita pervenerint. Et sanè auspiciatò credendum est Regis nostri cœptum, si Bonorum laudibus intentus, erga Sangrium, & Capycium prima sunt ejus meditaamenta. Equidem si Carolum de Sangrio attendas, nil potuit Regiam indolem,

ad

ad laudem Bonorum pronam, morari, quin inter innumeros suæ ditionis laudabiles Viros, Carolus de Sangrio hac Regis benevolentia potiori jure fruatur. Sanguine enim clarus, ingenio excellens, virtute consumatus, eð sui gloriosum depinxit simulacrum, ut nil desit, quod in ipso admirentur præsentibus, nihilque, quod posteri imitentur. Ex Parentibus inter Majores, Potentiores, ac Meliores natus, educationem fortitus est diligentissimam; vitam duxit honestissimam, mortem oppetiit constantissimam, at meliùs in civium memoria vivit Veneratissimus; quando quæso nostro animo excidere poterunt incomparabilis Caroli gesta præstantissima? Vix enim quinque suæ ætatis compleverat lustra, Gnarus, sibi Patriam, pro animi sui robore nutriendo, nunquàm opportunam fore, & militiæ, quam deperibat, nunquàm occasiones nacturum, patriæ oblectamentis, domus commodis, amicorum officiis nil præpeditus, Cæsaris Aulam adiit; tunc præcipuè cum bellum turcicum in Pannonia cervicibus Christianorum minabatur, ibique primum militiæ nomen dedit. Utinam ò Cives hoc Caroli ingenium speculum foret iis, qui molliter nutriti, apud maternos lares puellascunt, & patriæ abscissum, veluti ostentum horrent; possunt homines pro lucris, & quæstibus faciundis maris, terræque periculis vitam prostituere; debent igitur, & saniori consilio, pro gloria his majora arripere, veluti Carolus de Sangrio, qui tredecim annorum curriculum in bello pannonico eð consilii in providendo, celeritatis in conficiendo, industriæ in agendo, ac
forti-

fortitudinis in expugnando, vel propugnando, feliciter traduxit, ut nequaquam sentiam in me tantam ingenii ubertatem, vel dicendi copiam, qua possim, univèrsa ejus in Rempublicam Christianam militiæ munere promerita, nedum orando complecti, sed nec percensere numerando. Sub felicissimo Lotharingiæ Duce inter Volones milites primùm adscitus, eà indefessæ strenuitatis in celeberrima Budæ expugnatione prima edidit gloriosa specimina, ut in una Equitum Loricatorum legione Dux fuerit statim renunciatus. Tantam quoque in memoranda Turcarum apud Pontem Esékum clade gloriam sibi comparavit, ut in Transylvanos pugnaturus destinatus, iisque feliciter subactis, Primi Statoris munus in eadem legione promeruerit. Ea est fors belli, vires viribus addere, facilis provincia, parta gloria majoris fortitudinis sibi parat incrementa, quòd enim laude excrescit fama, eò vegetior subit animus; hæc quanvis omnibus obvia, releget tamen quisque in Carolo de Sangrio, cujus militare robur sub Duce Baviariæ in Tauruni expugnatione, tam nova sensit incrementa virtutis, ut Tribuni militum Loricatorum Legatus fuerit itidem à Cæsare renunciatus. Neque imparia sui roboris fuerunt ea, quæ gessit in Bulgaria sub Principe Badensi, cum in nova Turcarum clade, tm̄ in expugnatione quamplurium illius regionis urbium, quarum custodia in hybernis probatæ Caroli fidei, ac experientiæ fuit demanda. Haud tamen eandem felicitatem nostræ copiæ insequenti anno senserunt; nam hostibus maximo numero irrumpentibus, adjunctis Oppidanorum

rum auxiliis; & urbes, in Bulgaria subactas, amiserunt, & deplorabilem Tauruni jacturam fecere. Admirati usque modò estis Caroli militare robur, amplior vobis datur anfa, ad ejus æquanimitatem commendandam, qua, & illius Provinciæ damnum altiori spe consolabatur, & suarum jacturam sarcinarum viriliter contempsit. Placuit tamen Cœlitibus, qui non sinunt usquequaque armorum justitiam deferri, ut deindè sub eodem Principe Badenfi nullus fuerit modus Turcarum cædibus; quarè deleta omnino barbara illa Gente cum suo, quem vulgò dicunt, Primo Visire, Cæsareæ acies internicinium bellum certarunt, nec non impedimenta quæque, ipforum castra, omnemque rem tormentariam, adjunctis opulentissimis promptuariis occuparunt. Hujus tam insignis victoriæ fama, ut ad Cæsaris aures pervenit, & ut insignem quoque Caroli operam in hoc conflictu cognovit, speciosissima aureæ clavis equestri dignitate ipsum insignivit. Immensum, & prope infinitum, quod Patriæ debemus, nunquam possumus gratiis cumulatè repensare; Parentes charissimos, Vitam, Patrimonium, Honores, quibus nil nobis potest esse jucundius, soli Patriæ debemus; unum superat, quo hæc, & majora rependere possumus, gloriosis nempe gestis patriam illustrando. Quò igitur altiùs unius Caroli virtute Neapolitanum nomen in Germania ferebatur, eò se arctiùs præstantissimo Civi devinctam, communis patria fatebatur. Non fert animus patientiam vestram pluribus morari, nec laxius mihi tempus, nec longiùs proferre sermones, concessum

B

est;

est; nam si mea, erga incomparabilem Carolum, indulgentiæ, vellem facere satis, deberem fusiori oratione ad memoriam vestram revocare præclara, quæ gessit in Varadini deditone, pro Tauruni recuperatione, sub Duce Crojensi frustra tentata, in Pattervaradini expugnatione sub Comite Caprara, quantis insuper se insigniverit sub Electore Saxonia in Transylvania post luctuosam eam cladem, quam nostræ phalanges sub Comite Veterano sustinuerunt. Ardua, quæ molitus est in obsidione themeswari, cujus perpetuæ munitiones, ac operosæ hostium machinationes Nostrorum impetus, non sine tamen difficili negotio, propulsarunt. Cogor demum, quanvis invitus, silere, quantum improbi laboris insumpserit sub Faustissimo Principe Eugenio Sabaudia, præcipuè in ea sanguinolenta Turcarum occisione, in qua eò gloriæ nostræ ventum est, ut non solum Primi Visiris cæde, sed & opprobriosa quoquè Turcarum Imperatoris fuga, fuerit ob signata; donec tandem hostes, præ tot bellorum adversis eventibus laxati, inducias à Cæsare impetrarunt, quibus initis, tredecim annorum exantlatos Caroli labores, amplissimo tribuni militum honore, titulo, ac expectativa, ut vocant, Cæsaris munificentiâ decoravit, adjectis pro eo munere consuetis stipendiis, quibus solis contentus, hostium exuviis parcere, ipsi erat sollemne. Nulla tunc igitur in Pannonia evenerunt ardua belli facinora, quibus corpore, & animo non adfuerit Carolus, quem exterrere non valuit, semel in capite, iterumque in aure sinistra graviter ab hostibus vulnerari, ete-

nim

nim quia in eo bello vitam consecrare , pro religio-
 ne putabat , vulnera suscepta , ad majora arripien-
 da , fuerunt irritamenta . Cœlesti tamen munere fa-
 ctum puto , ut è tot , tantisque in eo bello susce-
 ptis periculis , vivus Carolus evaserit , ad majora
 servandus pro suæ patriæ felicitate , quam non pri-
 vato studio , non incertis rumoribus adactus , sed
 suprema Jura vindicaturus , moliri pro viribus cœ-
 pit ; quod equidem , etsi fortiùs aggredi , quàm fe-
 liciùs absolvere potuisse , ostendit eventus , non au-
 daciæ sanè , sed potiùs temporum iniquitati verten-
 dum id esse , non est qui nesciat : infestior enim
 vis , vehementi illius temporis acta cupidine , vo-
 lucrem sententiam hominibus sæpius subministran-
 te , longè aliter , quàm belli jura paterentur , decer-
 nendum , adnixa est : quapropter consiliis , re infe-
 cta , patefactis , violenter arreptus , hostilem manum
 æquo animo tulit ; imperterritus tamen , quan-
 vis & inauditus , pro patriæ meditatam propitio-
 ri commendans consilio , magna sui nominis glo-
 ria , magnaue erga Æternum Numen religione ,
 potentioris gladii licentiam fortissimo pectore susti-
 nuit . O Christianam Caroli Constantiam , quæ
 mortis superans trepidamenta , nec mortem , nec
 genus sensit mortis . Horreant sanè mortis spectrum ,
 qui proprium scædatæ vitæ nomen sciunt , fore sui
 funeris Præconem ; sentiant mortis terricula , qui
 pollutas sui Posteris relinquunt imagines ; at verò
 qui conscientiam benè actæ vitæ , multorumque
 benefactorum recordationem sentiunt jucundissi-
 mum , veluti Carolus Sangrius , mortem ipsam à

corporis servitute gratiosam putant manumissionem. Hoc unum minimè reticendum. In extremis suæ mortis angustiis, in eo luctuoso discrimine, in quo & fortissima pectora opplentur pavoribus, invictus Carolus, totus Deo, totus suæ animæ, Religiosis Deiparæ Redemptionis captivorum Sodalibus, quos Viennæ colebat, sui peculii partem ultimis, ut potuit, properatis tabulis, legavit. Non nova tamen Illustrium Sangriorum erga Sacra loca liberalitas, cujus enarrent alii, & laudent innumera, quæ sentiunt, exempla. Ego quas in meo Ordine hujus Illustrissimæ Gentis ampliores conspicio munificentias, ingrato silentio præterire non debeo. Recondendæ memoriæ Oderisius de Sangrio, Sanctæ Romanæ Ecclesiæ Cardinalis, & Casini Abbas amplissimis Toparchiis idem Monasterium donavit: Oderisium imitatus prope finem undecimæ seculi Comes Berardus de Sangrio, & ditissima latifundia adjecit. Haud tamen mirum, nam si Sangriorum soboles, postquam ab Arnulpho Burgundix Duce recisa, Italiam cœpit illustrare, ob præclara ejus gesta, & fœdera cum Principibus Longobardis obtinuit, non solum amplissimum Marforum Comitatum, verùm etiam omnem illius regionis tractum, quem alluit Sangrus, à quo familia hanc novam nomenclaturam accepit, æquum fuit, ut Deo, universæ Terræ Domino, aliquid sui amplissimi Patrimonii consecraret. Avitam igitur gloriam, & munificentiam Sangriorum, & ære, & sanguine Carolus non obsignavit, sed veluti à Posteris omni ævo refricandam, voluit renovatam. Sed hæc

hæc quanvis illustria , omniumque Gentium admiratione digna videantur , haud tamen imparia , & æquè omnium linguarum vocibus celebranda , sunt ea , quæ nostra ætas in fortissimo Josepho Capycio est admirata : unde jure factum , ut Regia Pietas , quos agnovit virtute Pares , paribus quoquè voluerit honoribus insignire . Non hîc clarissimas Capyciorum laudes commemoro , neque hujus Illustrissimæ Gentis gesta percurrere , animus est : longum enim esset , & ab instituto alienum , unam , quæ , octo jam sæcula magnarum undequaque virtutum curriculo emensa , Ecclesiam , Patriam , Italiam omnem gloriosis facinoribus , quâ pace , quâ bello complevit , continua gestorum serie vobis referre ; nec meum est quicquam addere famigeratis monumentis , quibus eam exornarunt tot omnigenæ historiæ Scriptores . Quem enim , si optio mihi fieret , possem vobis ex innumeris Capyciis illustriorem Corrado Virum commemorare , quem inquam Bernardo celebriorem . Primus equidem Atripaldæ , aliorumque oppidorum Dynasta , pro Manfredo , ac Corradino Siciliæ Moderator , tam constanti erga suos Reges fide , ac strenuitate Neapolitanum Regnum invasit , ut Gallorum imperium in summum adduxerit discrimen . Alter ex Hierosolymitanis Equitibus Melitensem Insulam , obsidio cinctam , in libertatem asseruit ; quæ , & clariora in hac Sacra Æde pro Gentilitiis , æterno Civium documento , patefcunt . At vetera hæc , & his majora mittimus ; non enim , ut , vel virtutes , vel erga Germanos , Auftriumque Genus Josephi Capycii indolem , vestigemus , majorum

rum titulos ; vel imagines recolere opus est ; fat erit , ut id assequamur , ejus gesta , immortalitate donata , summo velut digito leviter attingere . Acre quidem , quod natura habuit , semper excoluit ingenium ; memoria aded firma , & diuturna , ut in rerum oblivionem rarè incideret , & quod multò magis est admirandum , Hispano , & Gallico idiomati theutonicum brevi temporis intervallo scitissimè addidit . Bonarum artium , ac literarum studiis , latino , Italoque sermoni intentissimus , aded non sine animi mei voluptate , vix adolescentiam Emensum , sæpius audierim de his omnibus acutissimum depromere judicium . Res politica ipsi familiaris , quarè in meliori historia eruditus Amicorum conventus lepidè concinnabat . Hæc in Josepho Capycio ingenii promptitudo , & facilitas , cæterùm hæc omnia animi fortitudo superabat . En Cives , quantopere literarum exercitatio , non modò ornatu Nobilem Virum compleat , sed & animi robur , quàm maximè excitet , ac firmet . Indole equidèm abrafa nascimur , ea tamen nativa fœcunditate , ut quotidiano grava femine Idearum , quas mens ipsa , Divini luminis facula , vi cogitationum implantat , ejus reddat naturæ fructus , quos ex feminibus concepit , quo fit , ut si fortè hanc vim nostri animi Illustris Sanguis veluti insuccaverit , ex arcto , reciprocoque Spiritus , & Corporis respectu , quis abnuet , ed impensius excitari virtutum formas , quò nobiliores traxerunt in nascendo propagines ? Tanta igitur literarum venustas Josephum Capycium ed pellexit , ut ipsis libenter indulgens , & ex-

poli-

politam sui reddiderit mentem , & ad fortem animum sibi comparandum , quammaximè adjuverit . Injurii igitur profectò essemus , si ipsi tantum non impertiremur laudis , quantum fortissimo , & sapientissimo homini debetur . Præ cæteris itaque satis exploratum habuerat , animum ad pericula paratum , si sui cupiditate , non communi impellatur utilitate , nullam fortitudinis gloriam , sed potius audaciæ notam referre . Ea namquè animi elatio , quæ cernitur in periculis , ac laboribus , ne in vitio sit , nec justitia vacare , nec pro propriis commodis , sed pro communi salute pugnare debet . Hanc genuinam fortitudinis Ideam Josephum Capycium animo suo semper retinuisse , satis indicavit extremus ille exitialis dies , quo furentis invidiæ insidiis lacepsitus , ingenuo pectore , quanvis immaturo facto , pro communi Patriæ bono , gloriosa occubuit morte . O post Hominum memoriam cordati Civis præclarum specimen ! ubinam Gentium tam gloriose , tam severè fuit unquam patriæ litatum ? Si extinctum dolemus Civem , cujus vita sociam habuit virtutem , mors comitem gloriam , quis erit tam duri cordis , qui nostrum non compatiatur cordolium ? Nam si quandoquè humanæ indulgendum est imbecillitati , ut obitum eorum , quos charos habemus , consolari conemur , vel funeris curatione , vel sepulturæ humanitate , vel pompa exequiarum , quæ magis sunt solatia Vivorum , quàm subsidia mortuorum , potiori conniventia hæc , & majora sunt toleranda , si fortè bonæ expectationis juvenis in ipso adolescentiæ flore morte rapiatur acerba ; parcendum

dum est itaque, si tunc planctus, gemitus, lamenta, quærelæ circumsonent; nam si in cæteris adversis non commoveri, constantiæ laus est; hujusmodi tamen funeris acerbitatem non flere, non fortitudinis indicium, sed potiùs stupiditatis est vitium. Quis enim meritis Civis sic oculis pati potest patriam afflictam, jacentem, ac prope fractam, hoc est, Bonæ spei Juvenem, vitæ defunctum, nisi fortasse pro suæ Patriæ commodis augendis, vel saltem exoptandis, omnem deposuerit grati animi Benevolentiam? At hæc, quamvis sic comperta teneamus, si tamen rationis ductum sequi velimus, non est, cur nos Josephi Capycii mortem lachrymis, vel alio demulceamus solamine; nam quanvis præpropera ceciderit forte, sempiternum tamen, quod optimi Civis, reliquit monumentum, senectam jam prævenit ætatem. Ad quod quæso majoris laudis fastigium unquam pervenire potuisset, etiam si ultimam senectutem, nunquam interruptis benè gestis, obsignasset? Amor ille, quo patriæ felicitatem deperibat, nonne superat quotquot hominum celebrari possunt probatissima molimina? Amare equidem, si terrenum sapit, res est miserrima, tritum, & familiare loquor; ad id non ducimur, sed trahimur, licet voluptate, quæ etsi animum demulcere videatur, re tamen ipsa, molestia est gravissima. Boni enim, quo caremus, cuique conjungi cupimus, ardore excruciamur. Quis igitur ultrò tot, tantisque velit se immiscere cordis erumnis, nisi sui tantum concupiscentia inflammatus? commendant iccirco sapientes Viri amicabilem amorem supra eum, quo vel nos, vel

nostra diligimus compendia, & jure merito; amicus enim nulla sui, sed tantum alterius gratia, hanc durissimam amandi sustinet conditionem. Jure igitur majori merito commendabilis est amor, quo Josephus Capycius suæ patriæ inhiabat felicitati; Perfectissimo etenim illi propemodum assimilatur Amori, qui, juxta Augustinum, non æstuat indigentia siccitate, sed magis profluit Beneficentiæ ubertate. Quantam igitur laudem promerentur ii, qui Cives, Sacra, Aras, Leges, Libertatem, Fasces, Magistratum, Forum, Agros, Fruges, uno verbo, qui Patriam amant, tantam quaeso, ne fortissimo vestro denegatis Capycio, qui tam vehementi erga vos, & Patriam exarsit amore. Amor patriæ in nostro Juvene iterare pepulit, periculis undequaque plenos, Germaniæ accessus, Viennensem Cæsaris Aulam frequentare, & nec sibi, nec suis fortunis parcens, majora, quæ potuit, pro patriæ felicitate enixè tentare. Quanti verò ponderis fuerit Josephi Capycii erga Patriam Beneficentiæ studium, ex hoc uno, ut cætera mittatis, A.A. penditote. Arbitraremur fortasse, dum Gloriosissimum Cæsarem felicis memoriæ Leopoldum audistis erga Capycium Benevolentiosem, hac arrepta occasione, vel sui, vel suorum ipsum inhiasse fortunarum incrementis; haud equidem; sed Patriæ amantiſſimus, pro Patria solum supplices porrexit preces, easque favoribus præcipuis, gratiis, ac beneficiis à Cæsaris munificentia aspexit cumulatam. Macste virtute optime Civis, quid ultrà exoptas? tutè dormias; breve equidem Vitæ curriculum invidia tibi circumscripsit, immensum tamen Gloria, qua inter Majores tuos veluti nitidissimum splendes

Astrum. Fortissimis quibuscunque ad hanc diem Viris insignem sui temporis Neapolitanum Catonem, celeberrimum, inquam, Marinum Capycium, inter tuos Majores quàm maximum, vel certè exequandum, vel omnino præferendum censuimus, sed tua virtute, tuisque gestis superatum, fateamur, oportet. Ille etenim, cui Caroli Primi Andegavenis victrix causa non placuit, sed magis victa Corradini, in ea luctuosa tanti Regis clade, fortunis omnibus spoliatus, vitam tamen servans, tutum Germaniæ adivit asylum. At Tu & fortunis, & vita orbatus, pectore invictissimus, inclyto tuo Regi Regnum affectasti. Tanta igitur, quæ ex re ipsa uberius magis defluxisse, quàm Oratoris arte eloquentius emerfisse, cognoscitis, augustam quidem Ipsorum in nobis gignunt Ideam, prægrandem conciliant venerationem, inclytum reddunt eorum nomen, & famam; non adhuc tamen ipsorum gloriæ apex, non laudis culmen, non encomiorum fastigium fati decorari videtur. Superest vel in nostris præclarissimis Viris, laus supra omnes laudes commemoranda. Si fas esset, & non vererer, ne putaretis, me velle eos Apotheosi donare, libenter, ac tutè ipsis permetterem; quod Tertullianus quondam, Christianorum Tyrannos objurgans, pro Sanctis Martyribus sic fatebatur: Nequicquam proficit exquisitor quæque crudelitas vestra, Plures effici-mur, quoties metimur à Vobis, semen est sanguis Christianorum; quod equidem nostris eximiis Viris undiquè appingi posse videtur. Nam cæteri hominum, quavis fortitudine præditi, non militum turmas possunt vincere, nec gestorum semper exerere spectacu-

Etaculum, neque suæ fortitudinis possunt quovis tempore depromere facinora, aut referre palmas, vel triumphos decantare. At verò Sangrii, & Capycii sanguis semen est triumphorum, semen est fidelitatis, semen est palmarum. Ipsorum etenim constantissimæ mortis recordatio sanè non hominum corpora profligat, non cum hostibus congreditur, non coram experitur, sed magis strenuè, ac insueto modo superat fortissimos animos, quotquot sunt, hominum, in Amplissimo Regis nostri dominatu. Nanquè ausim dicere, si fortè in nobis deficeret is, quem cum luce hausimus erga clementissimam Austriorum sobolem, obsequentissimus amor, sola recordatio sanguinis, quem nostri præstantissimi Viri, pro Rege, Patriæque felicitate, fuderunt, fatis esset, ad quævis ardua pro tanto nostro Principe arripienda. Tanti enim est virtutis recordatio, ut ejus pulcherrima species, & animum inflammet, & ad imitamentum alliciat. Quod res ita sit, Vos, qui unà mecum funeri astatis, testes volo, fortissimi Cives. Quoties vobis Capycii, & Sangrii occurrit phantasma, nonnè veluti impatientes velle-tis, quævis gravissima pericula subire, hostium turmas perdere, legiones metatas exturbare, glomeratos aggeres æquare, Cohortes, vel fundere, vel exarmare, Dominatus fines prolatare? id vos omnes velle, præstitus virtuti honos, fateri, compellit. Quoties ad eorum constantem fidelitatem animum advertitis, nonnè minimi faceretis; fortunas, domus, fasces, natos ipsos, ipsam vitam pessum ire, modò cuncta ad Regis nostri felicitatem colliment? me velle confiteor, nec me coram hoc vos renuere, fas est; vultus vestri an-

xii, dum hæc commonefacio , aures arreçtæ , oculi intenti , silentium , quo sitienter auscultatis , satis , indicant , Sangrii constantiam , Capycii fortitudinem eò vos delectare , ac animum voluptate titillare , ut in vobis sentiatis , erga tantos Cives amore concuti , ac eorum æmulatione interiùs excitari . Desinat igitur nostrorum Civium , vel laboribus , vel Regiis , ob tantos labores , honoribus , invidere , qui , non æquis virtutibus præornatus , talia peregisse , molestiùs admiratur . Nec suadentem contemnat ; præstantissimorum potiùs Civium inhærere vestigiis , atque eos , qui constantissimo ob patriam interitu invidiam superarunt , imitari non prætermittat ; nec tædeat , dum funebria contemplatur , vel sanguinem intueri ; sanguis enim eorum semen profectò est , quo in nobis erga Sapientissimum Regem nostrum CAROLUM semper germinent amor , devotio , fides . Et quidem jure meritò ; quando , quæso , A. A. excogitare poteramus tantum erga nos Regiæ Magnanimitatis indicium , ut antequàm Neapolitanorum terras occuparet (occupaverat jam longè antea animos , corda , & pectora) prima incidere cogitatio , dignos , præstantesque Neapolitanos maximis honoribus cumulandi . In primis ejus ad nos missis epistolis , nulla de propriis commodis mentio , nulla de iis multis , quæ novis imperiis veluti leges præscribuntur inviolabiles , sed quia erga nos totus , hujus publici funeris institutio , placuit , ut esset regnandi initium ; & primum suæ Beneficiæ specimen . Eja agite concives , & luctuoso , cui adestis , officio , fas sit , & animi gaudia congeminare . Quid enim , per vestram fidem , Deus optimus
maxi-

maximus nobis potuit concedere suavius , quam Re-
 gem , qui totus intentus sit ad LAUDEM BONORUM ;
 hoc satis est , ut in omni suo dominatu virtus quoti-
 diè invalescat , vitium arescat ; plurima enim vident,
 ut sperent Boni ; vel eadem argumenta sunt , ut per-
 horrescant mali . Clarissima hæc igitur , & præstantif-
 sima , quæ primoribus labris libavimus , Regi nostro
 Præcellenti (ut Divini Oraculi verbis utar) felicem
 utique nostram commendant subjectionem ; at verò
 nunquam satis celebrabitur ejus sedulitas , qua ad
 LAUDEM BONORUM summos Viros misit Duces , in
 quibus morum candor , officiorum suavitas , comitas,
 affabilitas , vitæ probitas , erga fontes severitas , in re-
 bus agendis promptitudo , & dexteritas , & Regiam
 extollunt ad LAUDEM BONORUM missionem , & nomi-
 nis nostri gloriam quàm maximè decorant . Felix igi-
 tur Josephi Capycii , & Caroli de Sangrio memoria ;
 si præ cæteris , quæ feliciter obtinuerunt , id quoque
 accessit , ut , ad ipsorum laudes celebrandas , amplissi-
 mis Regis Epistolis excellentissimum sortiantur Prin-
 cipem Wirricum de Daun , S. R. I. Comitem , ac mili-
 tum Tribunum , Aureæ Clavis Equitem Auratum , Rei
 tormentariæ pro Cæsare Præfectum , ac unius peditum
 legionis Chiliarcham , nec non pro Catholica Majestâte
 in Regno Neapolitano Archistrategum , ac Proregem
 Vigilantissimum . Tanto Viro , tot titulis , imò tot ti-
 tulum meritis Clarissimo , hujus publici funeris , ve-
 luti postliminio reddituri , concredita est provincia ,
 nec immeritò : res etenim Magna maximo inter Duces
 debuit esse curæ . Neque inauspicatò tanti Ducis mis-
 sionem factam puto . Etenim si Carolus de Sangrio ,
 & Jo-

& Josephus Capycius, gloriosissimam necem pro patria felicitate occumbentes, felicem tamen patriam non aspexerunt; æquum est, ut ipsis justa parentalibus restituat Comes Wirricus, qui felicitatem patriæ restituit: quod, ne quorundam mente fortasse excidere contingat, quò temporis edacitas non pertingit, ac ne longinqua commemorem: sola propugnatione Augustæ Taurinorum, Gallorum exercitum, tum maximo apparatu, tum Imperatorum fortitudine, robore militum, splendore armorum potentissimo, diù obsessæ, de Wirrici nomine nulla unquam ætas conticescet. Ex Taurinorum etenim eventu, ut res docuit, non modò Transpadanorum, sed & totius Italiæ, imò & meliorum Europæ Provinciarum casus pendebat, vel libertas. At fortissimi Wirrici robur, virtus, auctoritas, felicitas, fufis Gallorum copiis, & Cœlitibus faventibus, communes timores abegerunt, nosque nova Regis nostri Caroli inauguratione pristinae reddiderunt felicitati. Nil igitur vobis, Constantissime Carole, Josepho fortissime, in hoc honorario funere defuit. Adfuit sacerdotalis expiatio, Regis Pietas, Wirrici sollicitudo, Civium plausus. Una Oratoris defuit industria.

In Templi Vestibulo.

CAROLO SANGRIO

ET

JOSEPHO CAPYCIO

QVORVM

IN AVSTRIAM DOMVM PIETAS CONJVNXERAT ANIMOS
 ET RES ADVERSAE INFELIX GENVS MORTIS AEQVARVNT

IN HOC TEMPLO

VBI FORS TVLERAT

VT IN FAMILIARIBVS SEPVLCHRIS OSSA CONTEGERENTVR

REGNO SEX POST ANNIS PARTO

CAROLVS III HISPAN. ET NEAP. REX

PIETATE PIÉTATEM COMPENSANS

VNO FVNERE PVBLICO

JVSTA SOLVI MANDAVIT

PRO FORTVNA LACHRYMAS ET PRO VIRTVTE LAVDES

FVNDITE MERITAS

CIVES



AMERICAN UNIVERSITY

LIBRARY

1000 MICHIGAN AVENUE

NORTHWEST WASHINGTON, D.C.

20000

AMERICAN UNIVERSITY LIBRARY
1000 MICHIGAN AVENUE, N.W.

WASHINGTON, D.C. 20000

TEL: 202-338-6000

AMERICAN UNIVERSITY LIBRARY
1000 MICHIGAN AVENUE, N.W.

WASHINGTON, D.C. 20000

TEL: 202-338-6000

FAX: 202-338-6000

WWW.AU.EDU

AMERICAN UNIVERSITY LIBRARY

1000 MICHIGAN AVENUE

WASHINGTON, D.C.




*In Tumuli Temporalis basi, qua Templi
Valvas spectabat.*

CAROLO SANGRIO

E SANCTOLVCIDENSIVM MARCHIONIBVS

APVD LEOPOLDVM AVG. FIDE PRAECIPVO ET IN
BELLO PANNON. VIRTUTE MILITARI IN PRIMIS PROBATO
QVOD SANGVINE CVM VITA PROFVSO NEAP. REGNI
VINDICIAS CAROLO AVSTRIO CONFIRMARI T
PIENTISS. PRINCEPS VBI PRIMVM NEAPOLITANOS
IN DITIONEM ACCEPIT A PIETATE IN MERITVM
DE SE CIVEM REGNVM INAVSPICATVS EX REGIO
AERARIO HOC FVNVS REGALI QVAM SPECTAS
MAGNIFICENTIA INSTRVCTVM A FORTISS. VIRO
WIRICO COM. DAVN. SVMMO GERMAN. EXERCITVS
IN EXPEDITIONEM NEAP. DVCE TVM VICARIO
REGNI MODERATORE CVRANDVM INDIXIT



D

In

*In ejusdem Tumuli basi e regione
Altaris.*

JOSEPHO CAPYCIO

E ROFRANENSIVM MARCHIONIBVS

JUVENI IN CAPESSENDIS CONSILIIS MAGNANIMO
IN PERICVLIS SVBEVNDIS IMPERTERRITO FIDE
TACITVRNITATE CONSTANTIA SATIS SPECTATO
CVJVS DVM REGNVM NEAP. CAROLO AVSTRIO
PRINCIPI VINDICARET ADVERSA FORTVNA
INCOEPTVM OPPRESSIT NON ANIMVM VT QVI
VNVS CONFERTO INFESTOQ. ARMATORVM GLOBO
CIRCVMDATVS CEDERE NESCIVS LIBER OCCVBBIT
STVDI IN DOMVM AVG. ET VIRTVTIS ERGO

SVPREMA OFFICIA





Sanctius hos cineres, prae quam Agrippina ferebat
 Casta viri, CAROLUS mente per arma gerit.






Estruit immo piis majus Rex Mausoleum;
 Quos merito ut tumulet, maxima Regna parat.




Rex



R *Ex vere Aeneades pietate insignis, & armis,*
Seu manes placat, seu pia bella gerit.



Caesa-



CAEsaris aſt ales Regina, Joviſque miniſtra

Verius ex iſto funere ſurgit ovans.





S At Capyn egregia virtute Capycius Heros

Afferit Auctorem, Dardaniumque genus.



Indi-



Indiderat Genti Auctor dignum a sanguine nomen :
 Nam clarum Nati sanguine nomen habent .



Con-



Constanti obtutu immense praeclara tueri
Patria sic virtus format utrumque virum.



E

Cla-



Clarius ut splendet jubar inter nubila Solis,
 Adversis virtus sic nitet ista virum.




Non



Non secus istorum virtusque, fidesque virorum
 Hoc magis alta petit, quo magis alta cadit.





Summa hyeme exhorrent plantae, mox vere virescunt:

Fortibus oppressis moxque redibit bonos.



Pro




Pro patria gnatae vitam devovit Atrides:

At caput hic Regi vovit uterque suum.




At




A *T* fato meliori istorum ex sanguine Cives
Unanimes Regi , proveniuntque pii.





Pollucis quoque erat quae dicta est Castoris Aedes:

Fit quoque Josepho jussus honos Carolo.





Nobile par Juvenum baud aliter descendit ad Orcum:
Nec minus ad superos clarus uterque redit.





FIDE, ET ARMIS
FUNDANTUR;
PIETATE
AUGENTUR
REGNA DIU DURATURA.





OFFICIA CIVIUM
PRINCIPEM
BENEFICIA REPUTARE;
ID EST
MAGNO ANIMO GERERE PRINCIPATUM.




UBI




UBI
 PRINCEPS PRAESIT
 BONORUM CIVIUM PIETATE GRAVIS;
 IBI . . .
 BONORUM OMNIUM,
 EST REGNUM.





1770
SICUTI CIVIBUS,
NON SIBI REGNAT
LIBERALIS, ET MUNIFICUS PRINCEPS.





VIVIS
REFERRE GRATIAM,
PUDORIS;
DEFUNCTIS VERO,
EST
ANIMI VERE GRATI.





SUPREMIS OFFICIIS
MERITORUM MANES VIRO-
RUM
PROSEQUI,
SUI ET
VEL INFERIS
LIBERALITATEM INFERRE.





NUSQUAM LICET
SINE FRUCTU ALIQUO GRATUM ESSE:
UT NEQUEAS
VEL SURDO DEFUNCTORUM CINERI
REFERRE GRATES;
QUIN VIVI
AD BENE DE TE MERENDUM
EXCITENTUR.





PUBLICA PRAEMIA
SUNT
PRECIA,
QUAE
VIRTUTIBUS STATUIT PRINCEPS.



PRAE-



PRAECLARE INCOEPTUM
VIRTUTI,
EFFECTUM DATUM
FELICITATI
TRIBUENDUM.



G

VIR-



INTELLIGIT VIRTUS, QUAE DATUR
SI EI SE ADDATUR FORTUNA,
NON RESPUIT COMITEM;
SIN DESERAT,
INSTITUTUM TAMEN PERGIT ITER.



QUI




QUI
DE CIVIBUS
RATIONEM CONSILII,
NON EVENTUS FORTUNAM
REQUIRIT;
QUAM PRAECLARUS,
TAM RARUS
EST PRINCEPS.






FASCES, ET IMPERIA
 A FORTIBUS VIRIS
 FORTUNA ETIAM SUFFRAGATUR;
 PUBLICA FUNERA
 SOLA VIRTUS DECERNIT.






FUNERA PUBLICA
SUNT
FORTIUM VIRORUM
INTER HORRENDA MORTIS
OBLECTAMENTUM.



QUID



QUID EST
PUBLICUM FUNUS?
LAUDIS TESTIMONIUM,
QUOD NUNQUAM VANI
ARGUERE POSSIS.




In Ara Sangriorum.

CAROLO SANGRIO

E SANCTOLVCIDENSIVM MARCHIONIBVS

QVOD SVB INITIA BELLI DE HISPANIENSIS IMPERII
 SVCCESIONE AVSTRIACI IVRIS VINDEXT NEAPOLI
 ANNO MDLXXIII ALTO ERECTOQUE ANIMO MORTEM
 PERPESSVS SIT VT ET VIRI ERGA AVSTRIVM PRINCIPEM
 FIDES ET AVSTRII PRINCIPIS IN FIDOS SIBI CIVES
 GRATVS ANIMVS OMNI AETATI TESTATA FORENT
 REGNO NEAPOLITANO SEX POST ANNIS PARTO
 WIRICVS COM. DAVN. IN EXPEDITIONEM NEAP.
 SVMMVS GERMANICI DVX EXERCITVS DEIN
 REGNI MODERATOR VICARIVS EX CAROLI AVSTRII
 III HISPANIARVM ET NEAP. REGIS DISERTO
 DILIGENTIQUE IVSSV HVNC TVMVLVM PVBLICO
 PRIVS FVNERE ET QVAESITIS HONORIBVS ELATO
 QVOD VBIQVE EXTRVENDVM CVRAVIT



In Capyciorum Sacello.

JOSEPHO CAPYCIO

E ROFRANENSIVM MARCHIONIBVS

QVOD INEVNTE BELLO DE HISPANIENSIS IMPERII
 SVCCESIONE NEAP. AVSTRIACI IVRIS ASSERTOR
 ANNO c1515cc1 IN APENNINO ADXXX AB VRBE
 NEAP. LAP. MORTEM FORTITER OPPETIERIT
 QVO ET VIRI ERGA AVSTRIVM PRINCIPEM FIDES
 AVSTRIHQ. PRINCIPIS IN FIDOS SIBI CIVES GRATVS
 ANIMVS OMNI MEMORIAE COMMENDARE TVR
 REGNO NEAPOLITANO SEXENNIO POST RECEPTO
 WIRICVS COM. DAVN. IN EXPEDITIONEM NEAP.
 SVMMVS GERMANICI DVX EXERCITVS DEINDE
 VICARIVS REGNI MODERATOR A CAROLO AVSTRIO
 III HISPANIARVM ET NEAPOLIS REGE ID DISERTE
 AC SEDVLO IVSSVS HOC SEPVLCHRVM PVBLICE
 PRIVS ET QVAM HONORIFICENTISSIME FVNERATO
 EXCITATVM CVRAVIT.



AD TUMULUM
JOSEPHI CAPYCII
FRIDERICI PAPPACODAE

E Pyxuntinorum Marchionibus,
Et Centulanorum Principibus.

Magnificum hunc tumulum violis ne comple, viator,
Pectora non planctu, non oculos lacrymis.

Capycius quando unquam fuit hinc tumulatus Joseph,
Quando habet in caelis, & super astra locum?

Certe hinc sunt cineres. Cineres, non ille sepultus.
Josephne, an cineres illacrymandus erit?

Neutrum equidem: neq; quod sculptū est in marmore nomen
Vivet hoc: ipsa licet marmora deficiant.



THE UNIVERSITY OF CHICAGO

PHILOSOPHY DEPARTMENT

PHILOSOPHY 101


LECTURE NOTES

BY

PROFESSOR

...







SPECIAL
94-E10785

X AX

PROPERTY CENTER
LIBRARY

